



**Francisci De Fargna Civitatis Plebis Patrii Philosophiæ,  
Sacræ Theologiæ, ac J. U. Doctoris ... Commentaria In  
singulos Canones De Jurepatronatus**

Qui sparsim tam intrà, quàm extra corpus Juris Canonici vagantur ...

**Fargna, Francesco de  
Romæ, M. DCC. XIX.**

Canon I.

---

[urn:nbn:de:hbz:466:1-72172](#)

## S E C T I O N I . V I

GREGORIUS NONUS *Confit. VII. Bull. Rom. Tom. I.*

Ann. 1234.

**Q**uia refrigercente charitate multorum adeò iniquitas abundavit, ut quorundam succensa velut ignis impietas, contra Ecclesias, & Personas Ecclesiasticas tantò validius inflammetur, quantò rariores, qui eas tueantur contra pravorum incursum, invenit objectores; Hos quibus ipsarum Cura, & sollicitudo incumbit, ibi fortius insurgere cogimur, ubi Persecutorum immanitas periculis exardescit: Sicut enim nobis ex parte vestra gravis est oblata querela, nonnulli Principes, ac Nobiles occasione Jurispatronatus, Advocatiæ, sive custodiæ, quam in Monasteriis, Grangiis, Cellariis, vel Domibus vestris se habere proponunt, interdum etiam pro suæ libito voluntatis, & quidam Ecclesiarum Prælati, à quibus deberetis, non gravamen, sed solamen potius expectare, bladum, vinum, evectiones, animalia, & res alias, pro ædificatione, ac munitione Castrorum, & Villarum, nec non pro tyrociniis, torneamentis, expeditionibus, & aliis usibus eorundem, à vobis exigunt, & extorquent, alias vos talliis, & exactionibus indebitis multipliciter aggravando: Præterea quidam ex ipsis, & alii carnes comedere in vestris Domibus, ac mulieres etiam easdem Domos ingredi, contra instituta vestri ordinis non verentur, propter quod, & quies monastici ordinis perturbatur, & grave commissis vobis Monasteriis imminet detrimentum. Quare nobis humiliter supplicasti, ut super his paterna providere sollicitudine dignaremur: Nos igitur, & vestræ providere quieti, & molestantium malitiis obviare volentes, auctoritate præsentium districtiūs inhibemus; nè quis à vobis præmisla exigere, vel extorquere, aut in vestris domibus uti carnibus, seu mulierem aliquam eas intrare præsumat contra ordinis instituta.

COM-

## COMMENTARIUM.

**E**x hoc Canone sequens deducitur conclusio.

PATRONI OCCASIONE JURISPATRONATUS A MONASTERIIS ORDINIS CISTERCIENSIS QUIDQUAM EXIGERE NON POSSUNT, NEC IN DOMIBUS ORDINIS CARNES COMEDERE, NEC MULIERES INTRODUCERE  $\Rightarrow$  Quam conclusionem probant etiam Canon. IV. Par. I., Canon XXVII. Par. II., & Canon V. & XII. Par. V., & omnes Autoritates ibi in Commentario relatæ, quibus addo Cherybin. in Compendio hic; & R.P.D. Petra in Comment. hujus Constitutionis num. 3. Roderic. quæst. Canon. de Regul. tom. I. quæst. 48. art. I. Tondut. quæst. benef. tom. I. par. I. cap. 10. n. 9. & tom. 2. verb. Monasteria Regularium n. 49.

I. Continuò vexabantur Abbates, & Monaci Cistercienses à Patronis, & eis inferebantur quamplurima gravamina, dum Patroni, aut illi, qui habebant Advocatiam, & Custodiam eorumdem Monasteriorum, extorquebant ab ipsis pro eorum libito bladum, frumentum, evictiones, animalia &c., in eorumdem Monachorum Domibus, & Monasteriis vescebantur carnibus, & introducebant mulieres cum maximo periculo, & ipsorum detrimento; Hinc Gregorius IX. Monachorum quietis, ac indemnitatí prospicere volens; et si respectu cuiuscumque Ecclesiæ Patronalis essent à supradictis Canonibus interdictæ Patronis hujusmodi indebitæ exactiones, tamen hic specialiter eis prohibuit quidquam exigere à præfatis Abbatibus, & Monachis; vesci carnibus in eorum Monasteriis, aut Domibus; ac in ea introducere fœminas; ut sic à publicis, & mundanis conspectibus separati, idem Religiosi omnino servire Deo valeant liberius, & lascivendi opportunitate sublata, eidem corda sua, & corpora, in omni sanctimonia diligentius custodire, uti loquitur Bonifacius VIII. in cap. unic. de Stat. regul. in 6.

Quoad hanc Conclusionem sequentes examinantur Casus.

## ARGUMENTUM.

Patronus potest recipere Candelam in die Purificationis à Monachis Cisterciensibus illam spontè dantibus; & exigere ab illis, ea, quæ sibi competunt ratione Jurispatronatus.

## SUMMARIUM.

- 1 Gregorius IX. liberavit Monachos Cistercienses à molestiis Patronorum.
- 2 Patronus non est prohibitum recipere Candelam, die Purificationis, aut aliud à Cisterciensibus spontè dantibus.
- 3 Patronus exigere potest à Cisterciensibus retentionem scamni propè Altare majus Ecclesiæ Patronalis; & hujusmodi retentio non est ei deneganda; Amplia, ut num. 7.

- 4 Laicus Nobilibus non solùm permitta est retentio sedilis in Ecclesia, sed etiam illud expostulando denegari non valet.
- 5 Cæmoniale facit legem, & pro lege est servandum.
- 6 Retentio scamni in Ecclesia est effectus consecutivus, & promanans à jurepatronatus.
- 8 Patronus non est privandus scanno in Ecclesia absque justa, & rationabili causa. Amplia, ut n. 9.
- 10 Patronus exigere potest à Cisterciensibus, aut à Rectore Ecclesiæ Patronalis notificationem omnium litionum Censum spectantium ad eorum Monasterium, ac consignationem notula instrumentorum & iurum concorrentium dotem ejusdem Monasterii.
- 11 Potest etiam exigere ab eisdem Religiosis alimenta in casu inopie; & alia jura de quibus, num. 12.
- 13 Gregorius IX. non prohibuit exigere à Cisterciensibus ea, quæ de jure competit Patronis ratione jurispatronatus.

## CASUS

## C A S U S I.

**O**ccasione Festivitatis Purificationis accedens Patronus ad Ecclesiam Monasterii Monachorum Cisterciensium de ejus jure patronatus, ad audiendam Concionem, quæ ibidem tenebatur in laudem Beatissimæ Virginis, instet pro elargitione Candelæ, quam Monachi quolibet anno ipsi sponte tradebant; pro retentione scamni prope Altare majus; pro notificatione omnium luitionum censuum spectantium ad Monasterium, ac pro consignatione notulæ instrumentorum, & jurium concernentium dotem ejusdem Monasterii. Non repugnabant Monachi tradere Patrōno solitam Candalam, solum renuebant cætera supradicta præstare; queritur an Monachi ad ea tenentur, seu an Patronus possit ab ipsis ea omnia exigere.

**I** Dispositio hujus Canonis negativam responsionem suadere videtur dum Gregorius IX. liberavit Monachos Cistercienses à molestiis Patronorum, prohibens his quicquam pro libito exigere ab illis occasione juris patronatus.

**S**ed veritas est in contrarium; Siquidem quod attinet ad Candalam, potest Patronus die Purificationis illam legitimè recipere à Monachis; quia prohibetur ab hoc Canone exigere, quod est propriè ab invitis extorquere, non vero inhibetur Patronis aliquid recipere à Cisterciensibus sponte dantibus; ut optimè animadvertisit Cherubin. in compendio Bulgar. ad hanc Constitutionem VII. Gregorii IX. pag. mibi 15.

**3** Quo vero spectat ad alias prætentiones ejusdem Patroni, iste certò equidem exigere valet à präfatis Monachis, ut retineatur pro se, & eis de sua Familia, scamnum prope Altare majus Ecclesiæ Patronalis; Hujusmodi namque scamni retentio, non solum est conformis dispositioni juris Canonici concedentis digniori usum sedilium, in Ecclesiis, & omnimodam präcedentiam in sessionibus, & in quolibet alio actu per Text. in cap. statuimus de major. & obedien. cap. cum olim de consuetud. ibique Gloss. verb. sessionibus Ciarlin. tom. 2. controv. 119. n. 8. & n. 54. Gratian. cap. 210. num. 13. Rot. decis. 4. ex

num. 29. ad 33. coram Ottobon., & in Pampilonen. Præminentiarum 26. Junii 1702. §. Et seriatim, coram Reverendissimo Molines.

**4** Præcipue Laicis sanguinis nobilitate präfulgentibus, quibus non solum permitta est retentio sedilis in Ecclesia, sed illud expostulando denegari non valet, cum id peculiariter sit präscriptum in Cæremoniali lib. 2. cap. 13., in quo conceduntur hujusmodi Sedes Nobilibus, atque illustribus viris, dummodo extra Chorum, vel Presbyterium collocentur, ut per præcisa verba decernitur, ibi = Sedes autem pro Nobilibus, atque illustribus viris Laicis, plus minusve pro cuiusve dignitate, & gradu ornatiss decet extra Chorum, & Presbyterium collocari juxta Sacrorum Canonum präscriptum, laudabilisque antiquæ disciplinae documenta, jam inde ab Exordiis Christianæ Religionis introducta, ac longo observata = Quod quidem Cæremoniale, cum fuerit à Clemente VIII. confirmatum, & extensum per universum Orbem Catholicum facit legem, ac pro lege servandum esse in omnibus Ecclesiis firmavit Card. de Lac. in Miscell. disc. 37. n. 10. Rot. dec. 647. n. 3. par. 4. tom. 3. rec.

**6** Verum etiam eadem retentio scamni est effectus consecutivus, & promanans à Jure patronatus, vigore cujus competit patrono honor, & præminentia, & consequenter ipse Primus in Ecclesia Patronali, sive Seculari, sive Regulari sedere debet, & præ ceteris sede nobilitati honorandus, ut firmavi superius Par. I. Can. I. & II. Cas. I. n. 4. & Can. IV. Cas. VII. n. 13.

**7** Eoque magis cum probet se per quadragenariam, inro per immemorabilem conuentudinem esse in possessione retinendi scamnum in designato loco prædictæ Ecclesiæ; in qua possessione proinde venit manutenuendus. Giovagnon. conf. 8. n. 12. & 23. Ciarlin. controv. 119. n. 9. Manriq. tract. de Præced. q. 5. n. 4. & quæst. 18. per tot. Palm. Nep. consult. 30. n. 11. Pignatell. consult. 7. n. 23. tom. 1. & consult. 48. num. 1. tom. 7. Sanfelic. decis. 333. per tot. Rot. in Pampilonen. Præminentiarum 7. Martii 1701. §. Iterum coram R.P.D. dell' Olmo, & 26. Junii 1702. §. Certius, cor. Reverendissimo Molines, & in Baren. scanni 4. Junii 1703. §. Quamobrem, coram R.P.D. de Omaña. Non vero est ea spolian-

8 liandus, & privandus à supradictis Monachis absque justa, & rationabili causa, dum retentio dicti scamni pro Patrono, & tota ejus familia prope Altare majus, non est incommoda, nec præjudicialis Ecclesiæ, neque impeditiva functionum Ecclesiasticarum. *Paris. conf. 149. num. 2.*  
*& seq. lib. 4. Lara de Annivers. & Cappell. lib. 1. cap. 24. num. 12. Lagunez. de fructibus par. 1. cap. 30. §. 1. n. 29. & seq. Antonell. de loco legal. lib. 1. cap. 3. n. 55. Pignatell. tom. 7. consult. 48. n. 1.* Etiam in hypothesis, quod retentio ex causa facultativa processerit; nam licet concessio fuisset, ab initio gratuita, ex post tamen effecta fuit necessaria, & irrevocabilis. *Romaguera. ad Synod. Gerunden. lib. 3. tit. 14. cap. 2. num. 6. Giovagnon. d. conf. 8. n. 18. & seqq. Gratian. discept. forens. 110. n. 18. & seq., & alii in dicta Baren. scamni 4. Junii 1703. §. De jure cor. R.P.D. de Omaña.*

10 Potest etiam idem Patronus exigere à Cisterciensibus, quod sibi notificantur omnes luitiones censum spectantium ad eorum Monasterium, quod propriis sumptibus ædificavit, & dotavit, ac etiam, quod sibi consignet notula Instrumentorum, & jurium concernentium dotem ejusdem Monasterii; quia Patronus habet jus defendendi Ecclesiæ, & Monasteria Patrimonialia, ut dixi *Par. I. Can. IV.*, & curare debet, ut eorum bona conserventur, non dilapidentur, neque alienentur; ut in similibus terminis rescriptit *Rota in Barchinanen. Beneficiorum 30. Junii 1704. §. final. cor. R.P.D. Omaña.*

11 Sicuti posset exigere ab eisdem Cisterciensibus alimenta in casu inopiae, deducit prius necessariis pro Monasterii, ac Monachorum sustentatione, & pro Divino Cultu, & reparatione Ecclesiæ, juxta firmata *Par. I. Can. III.* & tradit *Tamburin. de jure Abbat. tom. 1. disput. 7. quæst. 5. n. 22.*

12 Ac etiam ab eisdem exigere, ut Missam offerre teneantur quotidiè, si fieri potest, pro Animabus Patronorum defunctorum; quod Patroni tam vivi, quam Defuncti participes fiant spiritualis fructus, quem dicti Religiosi orando, jejunando, aliqua pia opera tam communia, quam particularia exercendo apud Deum lucrantur; quod postquam fuerit facta electio Ministrorum Monasterii, debet eam significare Patrono pro tempore, ad

effectum, ut si voluerit, suum honestum impariatur assensum, juxta dispositio nem Sacrorum Canonum; dummodo hujusmodi conditiones in limine fundationis Monasterii fuissent à Fundatore, appositæ, & à Sede Apostolica approbatæ; uti de facto approbatæ fuerunt ab Alexandro VII. de voto Sacræ Congregationis Concilii, in limine fundationis trium Conventuum Fratrum Congregationis Hispaniæ Ordinis B. Mariæ de Mercede Provinciæ Andalusiæ favore Ducum Medinae Sidoniæ, ut appareat ex ejus Constitutione la 66. *Bullar. Rom. tom. V.*

Quin ulla tenus obest eidem Patrono præsens Canon; quia Gregorius ibi non prohibuit exigere à Cisterciensibus, ea quæ de jure competunt Patronis, ratione Jurispatronatus, sed solùm ea, quæ pro libito, occasione, & non ratione juris patronatus, indebitè ab ipsis extorquebant, nimirum bladum, vinum, evestiones, Animalia, & res alias pro ædificatio ne, ac munitione, suorum Castrorum, & Villarum, ac pro tyrociniis, torneamen tis, expeditionibus, & aliis usibus eorumdem Patronorum.

## ARGUMENTUM.

An Imperatrices, & Reginæ introduci possint à Patrono in Domus, & Monasteria Cistercien sium.

## S U M M A R I U M .

- 1 *Mulieribus est prohibitum ingredi Domos, & Monasteria Virorum, etiam si essent Fundatrices, ut num. 2. Limita, ut ibi.*
- 3 *Viris est prohibitum ingredi Monasteria Monialium, etiam si essent Fundatores; & n. 4. Limita, ut ibi.*
- 5 *Patronus introducere Potest in Domus, & Monasteria Cisterciensium Reginas, & alias Personas Regias. Et quare, vide n. 7.*
- 6 *Pontifex prohibendo Patronis introducere Fæminas in Domus Cisterciensium, intelligitur de illis Domibus, quæ sunt intra*

- tra, non verò extra Claustra Monasterii.*  
 8 Concedi solet à Sede Apostolica Fundatricibus Monasteriorum Monialium præsertim Nobilibus facultas ingrediendi cum honesto comitatu Clasuram eorumdem Monasteriorum certis anni temporibus.

## C A S U S II.

**Q**uidam Princeps Supremus Patronus Monasterii A Ordinis Cisterciensis introduxit Reginam cum tota ejus comitiva in quadam eorum Domo contigua Monasterio, ad effectum vindendi Corpus eujusdam Sancti, quod in Cappella ibi situata servabatur; Quæritur an id fieri potuerit per Patronum?

- 1 Videtur negativè respondendum, quoniam prohibitus est ingressus Mulierum in Monasteria Virorum non solum ex censura hujus *Canonis* specialiter respectu Monachorum Cisterciensium, verum etiam generaliter respectu cujuscumque Ordinis etiam sub pena excommunicacionis ex Constitutione Divi Pii V. incipiente. *Regularium Personarum*, in qua prohibetur mulieribus cujuscumque status, gradus, conditionis etiam Comitissis, Marchionissis, Ducissis Domos, & Monasteria Regularium ingredi, quam refert *Roderic. quest. regul. tom. I. quest. 48. art. 1.*, & est communis omnium Doctorum sententia, præsertim ipsius Roderici *ubi supra*; *Lezan. in sum. tom. I. cap. 10. n. 9. Barbos. de offic. & potest. Episcopi par. 3. alleg. 102. n. 87.* Quod procedit etiam si mulieres essent Fundatrices dictorum Monasteriorum, nisi aliter fuerit statutum de consensu Summi Pontificis in limine foundationis, aut erectionis, juxta *Passerin. in cap. periculo de stat. Regul. n. 124. Lezan. ubi supra n. 10.*
- 3 Sicuti è contra pari ratione est etiam prohibitus ingressus virorum in Monasteria Mulierum, seu Monialium, ut expressè disponitur in *cap. periculo de stat. Regul. in 6. ibiq. Monach. Archid. Ancharan. Passerin. num. 97. & seqq.*, & confirmavit Concilium Tridentinum *sess. 25. de Regul. cap. 5.*, etiam si essent Fundatores eorumdem Monasteriorum, nisi in Literis Apostolicis erectionis secus expressè caveatur; & etiam si essent Imperatores, & Reges *Passerin. ubi supra num. 122. Nicol. in*

*Floscul. verb. fundator n. 2. Barbos. ad Concil. sess. 25. de Regul. cap. 5. n. 48.*

- 5 Sed hoc non obstante censeo dicendum in hoc casu Patronum introducere potuisse Reginam in prefata Domo Cisterciensium, nec per hujusmodi introductionem contravenisse dispositioni hujus 6 *Canonis*; quia in primis Pontifex prohibendo hic Patronis introducere Fœminas in Domibus Cisterciensium, intelligitur de illis Domibus, quæ sunt intræ septa, & Claustra Monasterii, non verò de eis, quæ sunt extra Claustra, uti est hæc, de qua agitur. *Passerin. ubi supra num. 8. Ventrigl. in prax. par. I. annot. 5. §. 1. num. 2. Lezan. in sum. tom. I. cap. 10. n. 11. Barbos. de offic. & potest. Episcop. p. 3. alleg. 102. n. 87.*

- 7 Deinde in hujusmodi prohibitione numquam præsumitur comprehendere voluisse Fœminas Regias, quæ propter earum sublimitatem, ac generis claritatem cùm sint dignæ specialis mentionis, in materia odiosa non veniunt sub simpli ci, & generali nomine mulierum; Et revera quod non sit prohibitum his Personis Regiis modestè, tamen, ac devotè ingredi Monasteria virorum declaratum fuit per Gregorium XIII. ex Sententia Sacrae Congregationis Concilii ad instantiam eujusdam Religiosi Ordinis Minimorum S. Francisci de Paula; cui quærenti, an per supradictam Constitutionem Pii V. censeretur derogatum suæ Regulæ, ut singulæ Dominæ de stirpe Regia procreatæ, ac etiam omnes hujus Ordinis Fundatrices, quæ locorum ejusdem Ordinis septa communiora videre postulaverint, eadem honestè cum sua Comitiva intrare, ac devotè visitare tolerentur, fuit responsum; non censi derogatum quoad *Reginas*, vel Fundatrices dumtaxat, ut referunt Roderic. *quest. regul. tom. I. dicta quest. 48. art. 1. S. Circa. Barbos. de offic. & potest. Episcopi par. 3. alleg. 102. n. 96.* Et hanc sententiam tueruntur idem *Barbos. ubi supra n. 92. Lezan. in sum. tom. I. dicto cap. 10. n. 10.*, ibi Idem dico de Imperatricibus, aut Reginis saltē quando intrant Monasteria non occulte, sed magno Comitatu, & ex bono fine, cùm enim Pontifices non fecerint in prædictis Bullis mentionem de illis, credendum est noluisse ipsas comprehendere.

Et

8 Et quidem talis , ac tanta est prærogativa Fundatorum , & Fundatricum Monasteriorum præsertim nobilium , & illustrium , ut ipsis potentibus in limine foundationis facultatem ingrediendi certis anni temporibus eadem Monasteria cum honesto comitatu , hujusmodi facultas pro similibus personis nobilibus , & illustribus concedi solet à S. Sede Apostolica , ut de facto novissimè concessa fuit à S. Congregatione Concilii in Magdalunen . 22. Aprilis 1719. ubi cùm inter cætera peteret Ducissa Carlotta occasione foundationis Monasterii pro virginibus Deo dicandis in Oppido Magdaluni,

quod sibi , & Ducissis in futurum , semel obtenta licentia Sedis Apostolicæ , liceret ingredi clausuram Monialium duodecies per annum , & cum competenti aliarum nobilium , vel honestarum fœminarum numero , fuit à Sac. Congregatione rescriptum , profacultate ingrediendi per sex vires quolibet anno , & cum Comitatu sex Matronarum , quo ad Ducissam Carlottam , & quo ad alias in Ducatu succedentes , profacultate ingrediendi , per tres vices quolibet anno , & cum tribus tantum Matronis , servata in reliquis forma aliarum clausurarum , quæ in consimilibus Brevibus pro ingressu in Monasteriis apponi solent .

## C A N O N I I .

NICOLAVS QUINTVS Confit. I. §. 4. Bull. Rom. Tom. I.

Ann. 1447.

**A**D Sacram Petri Sedem Divina dispositione sublimati : **A** Et infra : Placet etiam nobis , quod per quamcumque aliam reservationem , gratiam , expectativam , aut quamvis aliam dispositionem , sub quacumque verborum forma , per nos , vel auctoritate nostra factam , vel faciendam non impediamus nos , quo minus de illis cùm vacabunt de Februarii , Aprilis , Junii , Augusti , Octobris , & Decembbris mensibus , liberè disponatur per illos , ad quos eorum collatio , provisio , præsentatio , electio , seu quævis alia dispositio pertinebat : Reservatione , aliave quavis dispositione , auctoritate nostra factis , vel faciendis , non obstantibus quibuscumque . Quoties verò aliquo vacante Beneficio in Januarii , Martii , Maji , Julii , Septembri , & Novembri mensibus specialiter dispositioni dictæ Sedis reservatis , non apparuerit infra tres menses à die notæ vacationis in loco Beneficii , quod alicui de illo Apostolica auctoritate provisum fuerit , ex tunc , & non antea Ordinarius , vel alias , ad quem illius dispositio pertinebit , de illo liberè disponere poterit , & ad finem , ut hæc ordinatio collationum Beneficiorum non reservatorum per alternos menses possit per dictam Nationem publicari , & omnes , qui ea gaudere voluerint , tempus congruum habeant

Pars VI.

Gg

cam